

عركة

sensations

عركة أحاسيس

شعر

أماني يوسف

الطبعة الأولى .. ديسمبر ٢٠١٣

الغلاف : إيمان صلاح

إخراج داخلي : **الحلم** للدعاية والاعلان

فكرة اسم الديوان : محمد حمادة

رقم الإيداع : ٢٠١٣/٢٣٩٩١

الترقيم الدولي : 978-977-6412-49-1

إن دار الحلم للنشر والتوزيع، غير مسؤولة عن آراء المؤلف وأفكاره، وتعبر الآراء الواردة في هذا الكتاب عن آراء المؤلف، ولا تعبر بالضرورة عن آراء الدار .



الحلم للنشر والتوزيع

٤ شارع الأشراف من شارع مؤسسة الزكاة - المرج

محمول : 01141824562

dar_el7elm@hotmail.com

عركة

sensations

أمانى يوسف

obeikan.com

عركة أحاسيس

عركة ودوشة وزيطة كبيرة جوه قلوبنا
مرة نميل وبنعشق جدا وأدينا دوبنا
ومرة بنكره مرة بنزعل مرة غضبنا
مرة زهقنا وقولنا خلاص بقى إحنا تعبنا
ومرة فرحنا ومرة ضحكنا ومرة عاتبنا
هي مشاعر والإحساس هو الي غالبنا
فَ أَنَا وقلمى قررنا نفضفض قولنا كتبنا
عن موقف أو قصة وإحساس مرة عجبنا
اسمعنا وكَمَل ويانا وبلاش تبعد واللا تسيبنا
مممكن تلقى حكاية تمسك واللا بتشبه حد صاحبنا

obeikan.com

صغيرين

ممکن نڪون صغيرين
مش معروفين
لكن قلوبنا كبيرة جدا
بالمشاعر مليونين
بنقول كلام
حب و ملام
ساعات فرح و ساعات حزين
ومش مهم ح يقرأ مين
لو كانوا واحد أو متين
المهم نڪون سوا متجمعين
ولو علينا يقولوا مجانيين
لكن كده إحنا مبسوطين
ياريت بقى الناس الكبيرة
العالية جدا والعاقلين
لكلامنا بس يكونوا فاهمين
يחסوا بينا و يبقوا لينا مقدرين
ما إحنا مش مستعجلين
أفكارنا تتحدى السنين

وكلامنا بيقول للزمن
راح نبقى بكره مشهورين
ولو فضلنا مغمورين
مش دي القضية
عشان أساس الفكرة فينا
مش إننا نكون فنانين
لكن في إننا بس نكتب
وللقلوب نكون واصلين

قصتي وياك

بموت وأنا بين إيديك م الخوف ..
ل تبعدني وأبات ملهوف ..
لنبضات قلبك الدافي .
وأشوف فد عينيك كلام بيقول ..
ب إن البعد مش معقول ..
وفي دموعك دليل كافي .
وبتلومني بحضن حنون ..
إزاي الشك بينا يكون ..
ومعايا ولسه بتخافي؟! .
أصدق وانسى أوهامي ..
ويطمئن معاك قلبي ..
ويرجع تاني جو هواه رقيق صافي .
ونبدأ تاني م الأول ..
تغيب والبعد بيطول ..
ولا حسيت في يوم بيتا ولا للوعد بتوافي .
وتاني أخاف ل تنساني..
وتفضل فاضية أحضاني ..
ويبقى الحزن حمل يزيد على كتافي .

وتيجي تقولي سامحيني ..
أنا ما اقدرش تنسيني ..
ده قلبي بغير هواي عليل وقلبك بلسمي الشافي .
برغم ده كله أسمعلك ..
واصدق تاني وارجعلك ..
لأن حياتي انت وبس وعمري بين إيديك غافي .
لإنك انت كل الناس ..
وحبك هو ده الإحساس ..
وإسمي حروفه من اسمك وف عينيك ملامحي وأوصافي .
وهي دي قصتي وياك ..
تروح وتغيب ولا انساك ..
وقلبي يقولي يوم ما ألقاك حبيبي وغير هواه ما في .

رحيل

سكت الكلام وبكت العيون فقد أتى وقت الرحيل
الآن وحدي سوف أمضي في طريق مرهق طويل
فما حياتي بلا وجودك إلا سراب وليل كحيل
أنظر إليك أرى دموعك على هواك أكبر دليل
لكن صمتك قاتلٌ وكان قلبي أنا القليل
لم بقيت ساكنا وتركت دمعائك تسيل
وهدمت كل ما بنيناه بوقوفك مهزوم ذليل
إن أردت مني البقاء لم لم تقبل حتى القليل
لوقلت لي (إني أحبك) لكنت فعلت المستحيل
وما هو أمام حبي إلا ضعيف وهن هذيل
لكن عجزت عن كل شيء فكيف قلبي تستميل
وانت هش ضائع لا يملك غير العويل
لا أدري كيف صدقت حبك واتخذته لي سبيل
وقطعت عهدا للهوى لن أقبل عن قلبك بديل
ظننت أنك واحدا ما بالوجود له مثل
وهبتك كل مشاعري وانت بإحساسك بخيل
رسمتك نجما بالأفق وكنت عن قلبي تميل
تمنيتك يوما تتحرك ومن جمودك تستقيل

لكنك ابدأ لم تفعل وسكنت برغم كل ما قيل
فاعذرنى لن اقبل عذرك يا عمري الماضي الجميل
فلا الهوى كلمات ، ولن تَشفي دموعك قلبي العليل
وبعد أن تركتني للصمت ليس لك عندي إلا الرحيل

إفتقدتك

يا حبيبي يناديك قلبي متى تعود أتعبتني؟!
كم افتقدتك في الغياب فالبعد عنك يميّتي
فأنا اتوق لدفع صدرك حين كنت تضمّني
ولمسة يديك الحانية تملك كياني ، تهزني
أهرب لبحر عينيك وأجدك بعمقهما أغرقتني
وكيف الهروب منك وقلبك ملجأى وموطني
وحنان الدنيا كلها وحدك انت منحنتني
ما بالحياة مثل حبك والأمان الذى أشعرتني
حميتمنى من الأحزان وعن كل ألم بالوجود أخفيتني
وملأت عمرى بهجة وبإحساس السعاده غمرتني
واليوم ألقاني حزينه بوحدتى بعد أن ودعتني
وأخذت معك الروح حين رحلت عنّي تركتني
على أمل اللقاء غدا في نفس موعدنا كما وعدتني
وكيف يكون الغد قريب وعلى البعد ما عودتني؟!
أو يعيش قلبي منتظرا؟! وانت من أحييتني
ساعاتى مرت أيام واسأل النوم لم جافيتني؟!
وأصبح اليوم الجديد بلهفتى وحنينى إليك يشدني
اركض على الطرقات أطويها إليك لأجدك سبقتني

فعدت إلى الروح بلقائنا وبقلبك الملهوف احتضنتني
ونسيت أحزاني وعدت سعيدة بحبك الغالي الذي أهديتني
وبرغم أنك مازلت معي يناديك قلبي فهل سمعتني؟!

الحلم القديم

حلمت يوماً بالسعادة والحبيب المنتظر
وظننت أن القلب معه إلى الأبد سيستمر
وأني سأمتلك بحبه كل النجوم والقمر
فأقابلك وأراك حلمي وقد ظهر
ليذوب قلبي بين كلماتك وبضلوعك يستقر
وشعرت معك بأنني أهوى ملاكاً لا بشر
أعطيتني حباً كبيراً طرح البلابل بالشجر
جعل الزهور مغردة بليالي حب وسمر
ومنحتني بالحب عمراً خالداً إن طال حتى أو قصر
عمراً ليقضي في هواك العمر دوماً في سفر
برحلة ضاعت بها كل المعالم والصور
كل المشاعر ، آمياني ، حتى حلمي اندثر
فبحر حبك صار من بعد الأمان هو الخطر
وضلوعك الحانية قبراً ضم قلبي المحتضر
من بعد ما كان الملاذ من الزمان ، من القدر
فحبيب قلبي خانه وباع حبه وغدر
ماذا فعل قلبي ليتركه وحيدا منكسر؟

لو أخطأ القلب البرئ لما عليه ما صبر
فالذنب حتى إن كان ذنباً من الحبيب يغتفر
لكنه ما كان بالحب يوماً قد شعر
بل كان وهماً وسراباً أو خداعاً واستمر
حتى أنتهي بضياح قلب صار تائه منشطر
ما بين حبه والحبيب ، وبين بحر من خيانة ينتشر
بين الضلوع ، وفي حنايا القلب يجد المستقر
فصحوت من حلمي القديم وبالحب قلبي قد كفر
فما الزمان زمان حب واشتياق أو سهر
فزماننا صارت به الدنيا بلا قلوب أو بشر
بل ندّعي أنا كذلك لعلنا على الزمان ننتصر
وبرغم هذا ..

مازلت أحلم بالسعادة والحبيب المنتظر
فلعلني أجده ويكون من هذا الزمان هو المفرد

لعبت بيا

لعبت بيا وقلبي ضاع من بين إيديك
قلبي اللي عاش طول عمرة بيحافظ عليك
دايما معاك بيصدق الكذب في عينيك
ومن غير حساب حب وحنان يدّيك
اقنعتته تاني يفتح ل الهوى الشبايبك
وبيبانه المقفولة فتحها عشان يرضيك
حياته انت ملكتها وبقي عمرة كله ليك
ما اتمنى م الحياة غير انه يعيش حواليك
يدأوي جرح قلبك ويمحي آلام ماضيك
فجأه تغدر ب حُبه من بعد ثقته فيك
تبقى ألمه ودموعه وبروحه كان يفديك
حُبك كداب وخاين وحياته خسرها بيك
وده آخر اللي يحبك ويفكر يوم يناديك
يضيع ويتوه هواه في غربته ولياليك
وزي ما عاش ب حُبك لازم يموت بعديك

obeikan.com

مغنواتي

احكي يا مغنواتي موال حياتي الحزين
على نايك المكسور مع قلبي من سنين
اكسر ليالي الصمت واصرخ آهات مجروحين
دندن انين الوجع اسمع صدى المحرومين
ابكي دموع جارحه دبلت على الخدين
لا قادره توصل طريقها ولا ترجع للعينين
تاهت بعمر ضايع ومكتوب ع الجبين
تفضل كده دمعتي محتارة بين سكتين
لا قلب يضمها ، ولا تمسحها ايدين
ومنين تلاقى قلب واللا تقابله فين
وهو زي الحجر حتي الحجر بـ يلين
وقلوب البشر قاسيه مفيهاش مكان لحنين
نقول خلاص مكتوب وعليه ادينا صابرين
يمكن في يوم ننسي وإحنا الي منسيين
ويمر بينا الزمان نفضل معاه ماشيين
لا اتغير الي انكتب ولا فاتنا مرتاحين
واسأل لـ فين الطريق وياه كده رايعين

يسكت طريق الألم وتنزل دمعتين
تفيد به إيه دمعتك قلوبنا الموحوعين ؟
ولحد إمتى يا زمن نفضل معاك تايهين
من غير ما نلقى بر عليه نكون راسيين
يا رب هون علينا سكه احنا فيها هايين
ننسى كل الجرح وسنين عذاب ضايعين
وينتهي الموال وليل شجن وأنين
يطرح نهار الفرخ ونبقى م العايشين .

لقاء

عندما يأتي إلى أجد الهوى والعشق في عينيه كأنه أول لقاء
أرنو إليه بلهفة فإذا الصحاري كأنها بالحب واحة خضراء
تشرق الدنيا بوهج مشاعره ، وقلبه نجم تلاً في السماء
حتى غدت الليالي من بعد الظلام يكسوها الضياء
ونبضه لحن ملائكي يشجيني حتى من دون غناء
يسمعني قصائد حب كقطرات الندى على صفحات ماء
لا تجف بحرارة الأشواق بل ترسيها وتمنحها البقاء
بأن حبه لي أبدى وإن ابتعدت عنه فلن يجد إلا الشقاء
وأقسم قلبه لي حتى إن افترقنا على الحب والوفاء
فلا شئ في الدنيا يستميله ويشعره السكينه والرضاء
فأنا من يبحث عنها في عيون الكون وبين ملايين النساء
وأني أجسد كل ما يرغب ولا لغير قلبي يكون الإنتماء
عند شفتي أقصى الحدود وفي عيني تكمن أسرار الفضاء
ليصبح قلبي مجنوناً به ويمنحه من العشق ما يشاء
تمر بي الساعات لا أدري كيف بدأت ولم عليها الإنتهاء
تبقى معي بالروح تسحرنني وتمنحني السعادة والهناء
وحين يرحل أكون أسيرة كلماته وكيف بغيرها أجد العزاء
وتمضي أيام وقلبي لا يملك لعودته إلا التمني والرجاء

وظللت أبحث عنه في كل الأماكن كل الشوارع والأحياء
وسألت عنه كل من يعرفه سألت جميع الأصدقاء
فإذا بأحدهم يقول انه قد منح أخرى عهود الولاء
أحقا خان وعوده ، وكل ما قاله أكاذيب وهراء ؟
كيف يفعل بقلبي من بعد أن عشقه وبعد كل العطاء
وبما تفيد دموع عيني ؟ فما على الخائن ينفع البكاء
لملمت الجراح وسرت وحدي تعصف بي ريح الشتاء
آتيه في الدنيا بلا هدف وما عاد من معنى للأشياء
ويوم تلاقينا مصادفة فكلمني ، ولم يجد إلا الجفاء
أقسم لي بحبه انه ما خان لكنه القدر وظروفه الهوجاء
وسألت هل أسامح؟؟ وهل ستجد نفسي الراحة والصفاء ؟
وحتى إن فعلت فهل يوماً سأقدر أن أرجع للوراء ؟
أن انسى كل حبي وأرضى بالصدقة وعلاقة جوفاء ؟
وعجبت لأن قلبي مازال يظن قربه لجروحه الدواء
وأني رغم هذا في بعض الليالي مازلت أتمنى اللقاء

كم أحبك

ترى هل سيأتي يوماً تحبني فيه كما أحبتك؟!
فأرى في عيونك لهفة المشتاق إن قابلتك
وأملك الدنيا مجرد أن تلمس يداي يدك
وتضمني فأذوب فيك وبالضلوع أكون قلبك
وينام قلبي كالطفل بين يديك وفي حنايا صدرك
وكيف لا؟! وانت للقلب البرئ وكل العمر تملك
فإن طلبت إليه شئ سلّم بالهوى فيقول أمرك
لك ما تشاء فإنني لك ما حييت أكون طوعك
وإن رأيت طاعتي ضعفاً عذراً قد أخطأت ظنك
فضعفي لـ حُبك منحني قوتي لـ أظل قربك
لأكون دوماً نجمتك أضئ لك وأرشدك بدربك
وتكون لي عوناً على الأيام بحنانك وعطفك
فأنا حياتي كلها وسنيني ، أيامي وأحلامي وهبتك
فيا حبيبي ..
حبيب عمرى ، هل لي فقط بأن تمنحني حبك؟؟

obeikan.com

صدفة

صدفة اتقابلنا ومن ساعتها بدأت حكايتي معاه
كانت دموعه بتحكي جرحه وف عينه مليون آه
وجعني وجعه وكان نفسي ألقى لجرح قلبه دواه
وف لحظة من غير ما ادري إمتى دويت ف هواه
كان أحلى يوم ف العمر عندي يوم ما كنت ألقاه
ولما قال لي كلمة بحبك قلبي طار في سماه
إدّيته حُب الدنيا كله ، ونَسّيته كل أساه
وفي يوم ملقتش حُبّه وبدأت أحس جفاه
حأولت اكذب نفسي يمكن أكون ظالمه
وملقتش في كلامه حبيبي الي أنا عارفاه
وبـ بعده اكثر أكد شكوكي وبنارها قلبي كواه
وزي حُبّه ما بدأ بـ لحظه ، في ثانية قلبه نساه
فاتت ليالي وحأولت انسى وقلت مش فاكره
وكان نصيبي أقابله تاني صدفة واكون شايفاه
قدامي بيحاول يقول لي في البعد أنا وحشاه
وف كل صدفة يتمنى قلبي انه يكون وياه
ما قلبه لسه بيتمني قلبي وعينيه بتترجاه

أتاري كل ده كذب وعيونه مش عاشقاه
وحياته صبحت لـ غيري وبقى قربه كل مُناه
ويقول لي ما نسيت عينيكي ولا الحب وذكراه
إزاي أصدّق كِذب قلبه وغدره الي أنا حاساه
لازم أفوق من حُبه ومن وهمى الي أنا عايشاه
وقدرت أبعد عنه تاني وأقوله مش عايزاه
مش هاعيش العمر لعبه والحال ده مش قابلاه
ولو حياتي في إيده هو، الموت أنا راضياه

وعدود

وعدت قلبي بالحنان ، قسيت عليه وحرمتني
وعدت تديني الأمان ولوحدتي وغدر الليالي سيبتني
وعدتني تدأوى جروحي وبإيدك انت جرححتني
وعدتني تفضل معايا ووقت إحتياجي لحضن قلبك بيعتني
وعدتني تحافظ عليا ومن كُتر إهمالك وبُعدك ضيعتني
حلفت بالعدل تعاملني وحتى من غير العتاب ظلمتني
وعدت تبعد عن طريقى كل الهموم وللأحزان سلمتني
وعدت ترشدنى لحياة وفي النهاية قتلتني
وعدتني .. ووعدتني ...
وبكل حاجة وعدت بيها في يوم نسيتها وخلفتني

obeikan.com

هذه القصيدة رد على قصيده انطردى الآن من الجدول
للشاعر هشام الجخ

لتحمل جدولك وترحل

لتحمل جدولك وترحل فأمامك بابي قد أُقفل
سأعيش اليوم بلا حُبكِ وستغدو حياتي أنا أجمَل
أظننتَ فراقكَ بركانا سيُدِمِر عمري ويَزِلُّل ؟
تتفاخر إنك تحكمني !! فبحكمك قلبي لن يَقْبَل
وعَزَلْتُكَ عن مُدُنِ هوايا ولأمر غرامك لن أَمَثَل
تشكو من حزنك وضياعك ولقتلك بيد من يَجْهَل
وبجهلك انت تُعَذِّبُنِي وتُصِرُّ أمامك أن أُقْتَل
هجرى ما كان بلا سببٍ لكنك حتى لم تسأل
لم تسمع يوماً لأنيني وتركت دموعي تَتَوَسَّل
وصبرت وقلبي على ظلمك وظللتُ كثيراً أتحَمَّل
الآن يُضايِقُكَ ضنيني بغرامٍ كان لك المَنْهَل
قد كان غرامى فيضانا بحنانك يهدأ ويُدَلَّل
وبكِبْرِكَ وعنادك أغرق أحلامي معك همستقبل
أَتَوَقَّعُ صك الهجران وبسهوله قلبك يتحوَّل !؟
وتقول بأنك تنساني وكغيري أنا وحتى أسهل
أنا لست كمن كانوا وسوف تدرجهم يوماً بالجدول

الحب معي استثنائيُّ فهو الأعلى وهو الأمثل
وامرأةٌ مثلي لا تُنسى بل تسكن عمرك وتُكَلِّلُ
وسيبقى عطري تذكُّره مهما وردى يوماً يذُبُلُ
وستشعر بحنينٍ لدفتي ولشمسِ وجودي إن تأفُلُ
فتباهي بنساءِ الدنيا سأظل بعشقي أنا الأفضل
تتوهم أني بلا دورٍ في حياتك بل دوري الأول
فبطولة عمرك أكتبها وبدوني القصة لن تُكَمَلْ
وستدري هزيمتك لفقدي حين ستأرُّ حياتك يُسَدَلُ
فتمادى بغزواتِ جنونك واطرق أبواباً وتَنَقَّلُ
وتَغْنَى بقصصِ ضحاياك وازداد غروراً واسترسل
قل إني واحدهٌ منهن إن شئت فإنك لا تَخَجَلُ
وأنا صامتهٌ ، شامخهٌ مهما قلت ومهما تَفَعَلَ
وسياأتي يومٌ تبكينى وتودُّ كأني لم أر حل
حتماً سأرى ندمك بعدى مهما يَبْعُدُ أو يتأجَلُ
لكن لا تأتيني بدمعك وبقلبٍ مُتَعَبٍ مُسْتَعْمَلِ
اليوم سأنهي قصتنا لتعيش بلا حبي مُهْمَلِ
وسأنسى وجودك بحياتي وعن كل تفاصيلك أغفَلِ
وكأنك شئٌ ما كان ولو حتى خانة من جدول

مش بحبك

صدقنى مش بحبك ..
ولا يوم حنيت لقلبك ..
كل الحكاياه إني ..
بـ ارتاح لوجودى جنبك .
عاجبنى إنك معايا ..
وبـ تحس بـ بكايا ..
من غير ما تشوف دموعي ..
وإحساسك كفايه .
ياريتك تبقى جنبي ..
وتفضل ويا قلبي ..
غالي وعزيز عليا ..
وبـ تنور لى دربي .
تمسح دموع عينييا ..
وتطمئن عليا ..
فـ الشده تكون لي صاحبي ..
وفرحتي اللي جاية .
أنا محتاجة لصدافتك ..
ولوجودك وقربك ..

مفيش مكان في قلبي ..
للحب ، مش لحبك .
حبك مش هو هدي في ..
ولا حب الدنيا يكفي ..
أنا قلبي مات ، لا يمكن ..
حاجه في برده تدني .
ياريتك بس تفهم ..
وب كلامي تسلم ..
ماتضيعش الي بينا ..
فبيجي يوم وتندم .
ماتجرحنيش بظنك ..
وأفكارك وعندك .
ده أنا ليك صاحبك وضلك ..
في دمك قبل ضحكك .
وقلبي معاك لكني ..
صدقني مش بحبك .

حضانك

بحب حضانك قوى ..
واتمنى أسكن فيه ..
لأنه بيت وأمان .
بيكون لقلبي الدفا ..
ويضمه في ضلوعه ..
لو قال ف يوم بردان .
ولو بكيت م الأم ..
والحزن يغلبنى ..
ألاقيه دوا الأحزان .
يمسح دموع عيني ..
ويهدى ل جيبني ..
بوسة طيبة وحنان .
يحأوطنى إحساسه ..
واتغطى بـ انفاسه ..
فبيوسنى مرة كمان .
يضمنى بقوه مليانه حنيّه ..
ألقي سواد الحزن ..
فجأه صبح ألوان .

وبـ طبطبه هادية ..
أبقى معاه راضية ..
وانسى كل اللي كان .
صادق برئ حزنك ..
وجميل قوى قلبك ..
يا أطيب ملاك انسان .
كان نفسى أكون ملكك ..
وأعيش عشان قلبك ..
مهما يطول الزمان .
لكنه نصيب وقسمه ..
أتمناه وأما أقابله ..
يكون بعد الأوان .

سيبوني أرتاح

رايحه فين ، هنا إستنى ، لسه بدري ع المرواح
أنا تعبانه ، جملى ثقيل ، ح انام يمكن ساعتها أرتاح
تعبتى إزاي؟! وده من إيه؟! وزَيِّك كونه كله براح
وضحكك كل يوم بيرن ، يملا حياتنا بالأفراح
لا عمرنا شُفنا ليكي دموع ، ولا حَسِينا فيكي جراح
وحُزنك مستحيل وبعيـد ، وقافل بابُه بالمفتاح
فد ليه ضحكك صبح انات والوش البشوش فين راح..!!
(بتسألوا) ليه؟! وده من ايه ؟
ما أنا منكم ، ومن طينكم .. بشر مخلوق
ولازم بييجي يوم أتعب ، وم الأحزان لأبُدُّ أدوق
عشانكم ياما خبيتها ، حاولت انسى ومنها أروق
لكني تعبت من وجع البعاد والشوق
وهمّ كبير حأوطني العمر زي الطوق
وحلم كان واخدني معاه لغاية فوق
نزل ميت ، وكاسرني ، وقلبي لسه بيه مخنوق...!
كمان مخنوق ؟
عجيب أمرِك صحيح ، وغريب ملوش تفسير

وهو قأنا قلت حاجة يا ناس ، أنا جوايا لسه كثير
حاجات في القلب مخنوقه ، خلاص وتعبت م التفكير
داويت ياما جراح ودموع ، وكنت بـ اشيل هموم الغير
ولا فكرت يوم أحكي ولا أشكيلكم ، وبـ ابديلكم تملى الخير
ده كل اللي طلبته أبعد ، وخُفت عليكم م التأثير
فـ ليه تستغربوا ألمي ، وحقي حتى في التعبير
وبتقولوا كده اتغيرت ، ومش قابلين بـ ده تغيير
جـرالكم إيه؟! ، وليه ساكتين ؟

بتسألوا إيه سبب حزني ، وتضايقوا أما قلبي باح
حـ اقولكوا إيه؟! أنا آسفة ، مفيش حاجة بجد سماح
وانسوا كلامي ، دي خيالات ، جنان أوهام وطيف أشباح
يـمكن بس أكون أنا نمت ، وكل ده كان كابوس وانزاح
تعالوا نعيش بلا دوشة ، وقَلِّبت بال ، بُكا ونواح
سعيد قلبي ما دام شايف ، فرحكم في العينين أهو لاح
فلا بيحزن ولا مهموم ، وضيّه يقيدلكم ليلكم كإنه صباح
ولا تعبنا ولا مروح ، ولا عمرة يقول تاني سيبوني أرتاح

أهون عليك

مش قادرة أصدّق اللي سُفّته من عينيك
بتتهمني إزاي حبيبي في حبي ليك
بتقّسى قلبك بالعناد ، طب أهون عليك ؟
أستنى تيجي وفد كل لحظة روحي تناديك
ده حياتي انت وأنا اتولدت بين إيديك
ولا حد غيرك يوم في قلبي يكون شريك
ويبيع حياته عشانك انت ويشترك
ف إزاي يخون ولمين يكون لومش لاقيك
عارفة حبيبي إنك بتعشقني بجنون
والغيرة حيرة ونارها بتزيد الظنون
لكن ده مين يسأويك في قلبي ومين يكون
فاتوا يومين قلبي حزين مليون شجون
والدنيا عندي لا ليها طعم ولا فيها لون
وقبل تالت يوم تيجيني بـ ابتسامة
وتقول حبيبتى ده غيرتى على حبك علامة
فما تزعليش لو كنت طولت الملامة
إنتي اللي عارفه بحب قلبك قد إيه

وخوفي عمره ما يبقى مِنْهُ ، ده كان عليه
وبعدت يمكن ، لكنى أبدأً مش ناسيه
سامحيني على لحظه جنون وكل دمعة سببتها
وعشان بحبك جيت لقلبك قلتها
أسف على كل الليالي اللي في بُعْدِكَ عشتها
أسف على مَدَّتْ إيديكي لحضن إيدي وسبيتها
ورجعتلك علشان اصلح كل غلطه عملتها
خلاص بقى ماتقولش تاني كتير كلام
ده في حضن قَلْبِكَ تنتهي كل الآلام
وأنا لما شُفْتُ عينيك نسيت حتى الملام
وكإننا لا بعدنا ثانيه ولا كان بينا فيه خصام
ما انت حبيبي اللي بادوب في غرام عينيك
وأنا اللي ساكنه جوه قلبك عايشة فيك
مهما ح يحصل بيننا ، تاني بـ اقولها ليك
لا أقدر أغيب عنك أنا ولا قلبي مرة يهون عليك

خيانة الصديق

حِكْمَه قالوها الكُبار ، إختار صاحب الطريق
قبل ما تختار طريقك ، أصل صاحب رفيق
ح يكون دائماً معاك في الفرح ، ف وقت ضيق
وساعات يبقالك أقرب من الأخ الشقيق
وف يوم ما يكون عدوك ضربه بحق وحقيق
تَكسّر ضهرك وقلبك يقيد جواه حريق
ده الأصعب م العدأوه هي خيانة الصديق
وأنا كنت باقول زمان إن صاحب أمان
خدعتنى ناس بريئه جواها الغدر كان
حقيقتها ف لحظة ظهرت والكذب عليها بان
والقلب سواڈه يغلب ولا عيش ولا عشره سان
قلوب ياما ووجوه طلوعوا أصحاب فاشوش
ماسكات ألوانها تبهر تخفي وراها الوشوش
راسمين الطيبه برّه ومن جواهم وحوش
إديتهم كل حبي وكانوا ما يستاهلوش
وطمعهم فيّا زايد ومئي ما يختشوش
اللي بيفرح لفشلى ويقول جيبناكي الأرض
واللي بياخذ ما يديّ وف إيدي نزلوا عَضّ

واللي بيحكي ف سيرتي واللي يخوض ف عرض
واللي بيغدر بقلبي وكإن خيانتني فرض
واللي بيعمل قَريب يتقن دور الطبيب
وهو الجرح قَصْدُه وألم جديد يسبب
وبيحلا لهم عذابى اللي وقفوا بـ بابى
يحكوا لى عن عذابهم ويشكوا لى النصيب
واللي فى طبعه الخيانه واللي يخون الأمانه
وبيطعنى فى حبي ويخونى مع الحبيب
واللي بيوعد ويخلف واللي على العمر يحلف
انه ح يفضل معايا وبدون سبب يغيب
وده يسرق فكره منى وده يكذب كدبه عنى
وده أسرارى يقولها ولا يعرف حتى عيب
واللي بيكره سعادتى واللي يغير من كفاءتى
والحق بـ يملا قلبه أكثر من الغريب
وده كله منى كان يمكن سوء إختيار
لكن دلوقتى فعلاً أنا أخذت القرار
يوم ما أصاحب ح ادور ع اللي يكون لى دار
فيه ألقى أمان وصحبه ويكتم الأسرار
ولـ ذاتى يكون حاببنى دي صداقة الخير عمار
صاحب صاحبك وصونه ح يكون لك طوق نجاه
إياك فى يوم تخونه لو حتى مش معاه
وإتمسك باللي عايزك ومعاك طول الحياة
كلمه وصدق اللي قالها اللي يخون صاحبه تاه

آسفه .. حبيتك

قابلتك كنت موجهة ، ب اذارى أم ممتوتى
بحاول أمثل اني بعيش لكنك برضه حسيتنى
وقلبي ساعتها كان بيموت ف جيت انت وأحيتنى
مسحت دموى بحنانك وطيبتك دي اللي داويتنى
رسمت البسمة لشفافىي وكانت الفرحة نسيتهى
وكنت معايا ع الأحزان وقسوتها وقويتنى
وحسيت إن كل الدنيا رضيت عنى صالحتهى
وغصب عنى خدتهى ليك بدون ما اشعر وشدتهى
كنت فى كل يوم بيفوت ب اقرب ليك وحسيتك
ولا بقدر على غيابك ولا ب اعرف ل إيه جيتك
أتارى القلب بيك مشغول وآسفه لأنى حبيتك
بقول آسفه عشان عارفه إن الدرب مش دري
وقلبك ليًا مش حابب ولا ناوي يكون جنبى
وكل اللي عملته إنك بكل ضمير داويت قلبي
وكنت برئ فى إحساسك وعمرك ما نويت حبي
لكن برضه أمًا حبيتك ده مش ذنبى
ماهو انت اللي ما بين الناس مفيش زيك
لا فيه فى الدنيا إحساسك ولا طيبتك

عشان كده لما جيتنى ساعتها أنا سيبتك
لا قلبي هرب كما العادة ولا عاندتك
وسلم ليك ومن غير قصد أنا عشقتك
وايه الحل دلوقتي وقلبي بيك خلاص مجنون
واصبحت الأمل والنبض والنفس اللي بيه بيكون
وكل الدنيا ما تسوى وحتى العمر ليك بيهون
لكن عمرة ما هيقولك ولا مرة يصرحك
ماهو أصل التمن موتى ده من غيرك أنا أهلك
أضيع لو بس تنساني ما حُبك كل ما أمك
وقلبي ما فرح مرة ولا حس الحياة قبلك
ف خلىنى أعيش ب هواك ومش لازم أنا أقولك
صديق أو أخ مش فارقه وزيك برضه راح أكونك
كفايه القلب كده مرتاح وراضى يكون كما ضلك
لا هييفيدك في يوم تعرف ولا ح يضربيه جهلك
ما دام جنبى وأنا وياك هاعيش ب هواك ومبسوطة
ولو حتى حياتك يوم بغيرى تبقى مربوطة
في فرحك قلبي ح يغنى وتخفي دموعه زغروطة
ويرقص م الجراح موجوع بزيف ضحكة يداريها
ونار غيرّه بتحرقنى لكنى عليك ح اخبياها
بكده كبيره مش سهله لكنى اخترت أعيش بيه
بدل ما أموت وأنا عايشه في دنيا انت مش فيها
سامحنى ويوم ما تعرفها بلاش تزعل وعديها
لا أنا أقدر أقول عاشقك أو انسى عينيك ولياليها
وأنا ب أوهب حياتى ليك وخليك انت عيش ليها
بس أمانه لو يوم بان في عينى لهفة العاشق

بلاش في الحكم تتسرع تسيب قلبي ف دموع غارق
حرام قلبي الي عاش يوم بيك يموت لحظة ما نتفارق
كده يبقى اتفقنا خلاص أنا وقلبي وخذنا الوعد
ح احبك من سكات وانت تكون صاحبي الحقيقي بجد
ولا ف حبي هتجرحني وفي علاقتك ح اصون العهد
واكون يا حبيبي أنا صديقتك ولا يعرف طريقنا البعد

obeikan.com

ابن قلبي

يمكن أكون أنا مش عجوزه ولا انت طفل بَحَمَّالات
لكن معاك حققت حلم أنا كنت فاكِره إنه مات
ما اعرفش ليه واشمعنى انت عملتلك استثناءات
ما هي الحكاية مش فرق سن سنين طويله أو ساعات
ولا شكل مين أكبر أو أصغر في الملامح والسِمَات
أصل الأمومة إحساس في قلب مش بس بـ ولاده وآهات
وانت ابن قلبي الي اتولد جوايا حُبُه من سُكَّات
أبو قلب أطيّب م الطيابه وروحه أصفي المخلوقات
أبيض قوي وجواه برئ مفيهوش ضغائن وحسابات
وعشان كده بجد انت إبني بـ اقولها واعلنها بثبات
أتمنى لوأحميك واصونك م الدنيا من كل الحاجات
ويارب أحلامك تنولها وتحقق كل الأمنيات

obeikan.com

هدية

حبيبي ياريت عشان خاطري غمض عينيك
في حاجه بسيطه جاياها ياريت ترضيك
وتقبل قلبي ده عشانك يكون حواليك
ح اشيله من ضلوعي واسيبه ملك إيدك
هدية صغيره مني ياريت تكفيك
ولا تسأوي اللي جوايا وب احسه ليك
لكني اتمنى لويقدر في يوم يحميك
يكون حارس أمين ومن الألم يفديك
ويبقى الضى لعيونك ونور لياليك
ولو تحتاجله يوم تلاقيه بـ يجرى عليك
ويفضل ليل نهار جنبك وحاسس بيك
محأوطك بالحنان والحب ويراعيك
ولا يفارقك بغير الموت ده روحه فيك
ف تسمحلي بقلبي يا عمري إني أهاديك

obeikan.com

قصة المظلوم

يا دنيا لفي ودوري بينا كمان وكمان
إحكي القصة م الأول ونبدأها بـ كان ياما كان
عن واحد بسيط جدا كان اسمه المظلوم غلبان
لا فارق كام سنين عمرة ولا نعرف إيه العنوان
ما هو موجود هنا وهناك في كل مكان
عادي في شكُّه وطموحه مجرد انسان
مفهبوش ميزه وسط الناس عمرة ما بـ بيان
عايش وخلص قَضَى حياته في قهر وحرمان
أكله مسرطن ، مَيْتُهُ مسمومه ، وعيشته هَوَان
لا فيه تعليم ولا رعايه وقال بيقولوا بالمجان
ولا وظيفه بدون واسطه وكوسه وقرع وبتنجان
يادوب بيلقي قوت يومه وياما بات ليالي جعان
حتى المستقبل مش باين وإزاي راح يقدر ع الأحلام
ومنين يجيب عشان حلمه يشوفه حقيقه مش أوهام
لكن تلاقيه صابر راضي على حاله بتعدّي الأيام
والظالم بـ يزيد في عمايله ولا عنده ضمير ولا همُّه ملام
مبسوط وبيضحك مطمئن إن المظلوم ده كبيرُّه كلام
كل اللي يهमे انه بـ يعلى وولادُه ومصالحُه حماها

ناسى إن الصبر ده ليه حدوده و خلاص بزياده عداها
أهو فاض بالمظلوم و اتكلم أحلامي مش ممكن انساها
مش ح اضعف تاني أو استسلم و انشالله أموت حتى فداها
واصرخ يسقط حكم الظالم لو كل الأسوار علاها
عايز حقي و اعيش بكرامه و ح أهد الحيط ع اللي بناها
و قدر يوصل صوته العالي و كلمته قالها و غناها
الحق أهو بان عاد لاصحابه و ميزانه صبح معدول
نهاية الظلم شئ ساهل و من تاني لابد نقول
تملي الظلم يستقوى برغم حقيقته انه جهول
ولا بيدوم و لو طوّل بـ ييجي اليوم عليه و يزول
كل القصة لو تقدر تقول حمرا يا عين الغول
تلاقي الغول صبح قطه و خاف منك جري على طول
لإنه جبان و أصله ضعيف و خوفك منه كان مسئول
عن انه استضعفك خلاك تكون طوعه و ليه مذلول
يضيع الحق بـ سكوتنا و الظلم في حياتنا يسود
لكن لو كلنا نقول لأ مش ممكن في يوم ح يعود
و إياك يوم تسبب حقه لكلمه (ربنا موجود)
ما المولى اللي قال إعمل و خليك بيه و عليه مسنود
قوم إعملها و اتوكل أقف ثابت و شدّ العود
تقول يارب ع الظالم و بإيديك تمحى أي حدود
تبدأ تبني مستقبل ولا يبقى الطريق مسدود
و تنتهي قصة المظلوم و حقه إليه يكون مردود

عيش في الدور

مَثَلُ أَكْثَرِ عَيْشٍ بَزِيَادَةِ كِمَانٍ فِي الدَّوَرِ
إِوْصَفَ حَبِكَ لِلْقَلْبِ الْقَاسِيِ الْمَغْرُورِ
إِحْيَى كِمَانَ عَن غَدْرِهِ إِزَايَ سَابِكِ مَكْسُورِ
إِزَايَ اسْتَحْمَلْتَ عَذَابِكَ مِنْ كُتْرٍ مَا يَبْجَرِحُ فِيكَ
وَإِنَّكَ كُنْتَ مَلَائِكَةَ بَجْنَاحٍ وَهُوَ شَيْطَانٌ اسْتَقْوَى عَلَيْكَ
وَإِنَّ ظُرُوفَكَ كَانَتْ صَعْبَةً وَهُوَ جَبَانٌ سَابِكٌ وَحَدِيكَ
مَارَضِيْشَ جَنْبِكَ يَفْضُلُ وَاقِفٌ وَبِحَبِهِ وَرُوحِهِ يَحْمِيكَ
وَإِكْتَبَ لَهُ قَصِيْدَهُ أَوْ ائْتَيْنِ وَالنَّاسُ حَ تَهْلِلُ حَوَالِيكَ
تَزْعَلُ وَتَعْيِطُ عَلَى حَالِكَ وَيُوَاسُوا فِي خَاطِرِ مَعَالِيكَ
وَإِيَّاكَ تَنْسَى تَقُولُ لَنْ أَسْمَحَ لَوْ يَوْمَ فِكْرٍ يَرْجِعُ لِيكَ
بَسْ أَنَا عَارِفُهُ بَعْدَ مَا تَمْشِي وَأَنْتَ سَعِيْدٌ إِنَّكَ مَنْصُورٌ
وَتَكُونُ وَحْدَكَ أَنْتَ وَقَلْبِكَ رَاحٌ تَكْشِفُ كُلَّ الْمَسْتُورِ
وَتَفَكِّرُ إِزَايَ كَانِ جَنْبِكَ وَإِنَّهُ لِقَلْبِكَ كَانِ النُّورِ
وَإِنَّكَ لَمَّا كَدَبْتَ عَلَيْهِ كَانِ عِ الْبَعْدَ أَكِيْدَ مَعْدُورِ
يَبْقَى إِزَايَ بِتَقْوَلِهِ يَعِيْشُ عِلْشَانِكَ وَيَهْدِي السُّورِ
وَبِظُلْمِكَ أَنْتَ الَّتِي قَتَلْتَهُ وَهُوَ عَلَى الْمَوْتِ كَانِ مَجْبُورِ
وَعَمُومًا مَشَ فَارِقَهُ نَهَائِيْتَهُ وَكِفَايَهُ أَنْتَ بِقَتْلِهِ فَخُورِ
فَاحْيَى كِمَانَ وَإِكْتَبَ فِي قَصَائِدِ مَصْبُوغِهِ بَدْمَهُ الْمَهْدُورِ
بَسْ أَكِيْدَ الْحَقِّ هِيَرْجِعُ لَوْ يَوْمَ أَوْ كَانِ بَعْدَ شَهْوَرِ
مَا الدُّنْيَا لَوْ اللَّيْلَةَ مَعَاكَ بَكَرَهُ عَلَيْكَ لِأَنْ تَدُورِ

obeikan.com

عشان خاطرک

ح آجی عشان خاطرک علی نفسی
واستحمل وأکتّم أوجاعی
راح أكمل مشوارى فی بحرك
لو حتى الريح هد شراعی
والموج مهما یزید أو یعلا
مرکبى قلبى وحبى متاعى
مش ح ایأس ولا أسلم أبدا
ولا مرة أقول إیه الداعى
طول ما انت معایا وحوالیّا
بتخاف علی قلبى وبتراعى
تلاقینى معاك دایما جنبك
لا تخاف من بُعدى ولا وداعى
بس انت کمان لازم تبقى
بر أمانى وحلمى الواعى
تتحقق لى وتبقى الدنيا
وبراحك لبراحى یساعى
تملك قلبى بكلمه حلال
وب شرع الحب انت بتاعى

obeikan.com

مههما زعلت منك

أنا مههما زعلت منك عمرى ما بعدت عنك
لكن به سهوله انت تبعد عنى وتغيب
بتقول على قلبي قاسى والقسوه هي طبعك
وبتنسى وعد حبك ح افضل داها قريب
تروح لبعيد وقلبي يفضل صاين لوعدك
وغيابك عنه يطول وليله يكون كئيب
أستنى كتير ليالي ترجع وانادى قلبك
فلا بلاقى لندايا صدى ولا فيه مجيب
وترجع تاني تندم وبرضه ارجع أسامحك
وهواك يمسح دموعى وجروحي بيك تطيب
وتاني تبيع هوايا تبعد وتنسى حبك
ولو في يوم عاتبتك بتلوم على النصيب
وكل مرة ترجع وتقول مكنش ذنبك
واقول معلش وانسى ما طيبتى فيا عيب
والغيبه تاني تاخذك وبيان فيها خيانتك
وكان اللي به اشوفه واحد تاني وغريب
إستحمل قلبي ياما كل اللي شافه منك
برغم اللي عملته ومهما كان صعيب

برر كل حكاياتك واتمسك بيك ف غيبتك
بس لحد الخيانه وكان لازم يسيب
يبقى ازاي تتهمنى اني الي نسيت وبيعتك
وبقربى مش حبيبه وانت بـ بعدك حبيب

عارف

عارف !! أكيد مش عارف قد إيه أنا بحبك
عشان لو عارف كنت تفهم من غير ما اقولك
كنت حسيت بـ اشتياقي ولهفتي لصوتك وحنك
كنت ماتحبش فراقي وتضمني دايماً لقلبك
كنت تفضل جنب قلبي تظمنه وتخاف عليه
وان يبعد لو لحظه عنك كنت تجرى وتناديه
بس قلبك مش ح يفهم قلبي حَبُّه قد إيه
لإن حبي مش قد حاجه في الوجود
هو أكبر م الفوارق والموانع والسدود
وعشان حدود الحب عندي بدون حدود
ما تلاقى زيه ف حكايات الهوى المسرود
لـ آخر يوم بـ عمر الكون أو قبل حدود الحدود
تلاقيه في أوراق الشجر وساكن بـ قلوب الورود
وقد حبات المطر والندى فوق الخدود
وفي كل دقة قلب دافي بلمسته يمحي البرود
دي دقائق الحب القليله معايا يسأويها الخلود
وده مش غرور منى عليك لكنه بيك عشان حبيبتك
ولو فهمت وقدّرتني تلاقيني جوه عيوني شيلتك

وكنت ليك راحه وسكن ولا مرة زعلتك ، تعبتك
لكن لو انت جيت عليا وبيعتنى واخترت غيبتك
فانت مش عارف اكيد معنى اني في يوم عشقتك
وخسرت حبي اللي كان بالنسبه ليا هو ميزتك
واللي خلاك كنت أولى من البشر اني آمنتك
يبقى ما تلومنيش ساعتها إن أنا اللي مشيت وسيبتك

تيجوا نحب

ما تيجوا نحب ونسامح ونسمح للقلوب تفرح
ونسى الدمع والأحزان ونلقى للفرح مطرح
نشوف الورد بـ يغني في صوت عصفور بـ يتفتّح
وشمس أملنا بتنور وليل الحزن بيروّح
أصل الدنيا مش دايمة فـ ليه نعقدّها ليه نجرح
وليه نجري ورا الخلافات ونبكي الحظ وننوح
تعالوا نعيش بـ راحة بال نجرب لو فـ يوم نسمح
لأحلامنا ونطأوعها فـ يوم نفشل ويوم ننجح
وبكره يكون أكيد أحلى وشجر العمر راح يطرح

obeikan.com

سِتر (سبَاعِيه)

ياما عيوب وحاجات في هدوم بـ تَدَّارَى
وناس كثير ما تسأويش في فلوسها تَدَّارَى
والي بيغوى الضلمه لـ اجل ذنوبه تَدَّارَى
ربك عليم بالبشر ونفوسها وخِفاها
مهما يحأولوا الهرب في الدنيا وخِفاها
عالم بأعمالهم في ظاهرها وخِفاها
لولاه بستره خِفاها كان فين من خلقه تَدَّارَى

obeikan.com

مش جديد

مش جديد البعد عنك والفرق
مش جديد إن الألم تهديني ليه
مش جديد تحرقني نار الإشتياق
وانت سايب قلبي ولا مرة تناديه
م القساوه ومن عذابك ياما داق
وب إيدك المر دائما ليه ساقيه
لما يبقى الحب فيك كذب ونفاق
عادى جدا لومشاعرى تهون عليه
ينسى قلبك عهدى ويخون الاتفاق
وحبي يبقى لعبتك تتسلى بيه
خليت براح الدنيا من حواليا ضاق
والفرح تايه من طريقى ومش لاقيه
يبقى عادى لو النهارده قلبي فاق
مبقاش يحبك تاني ولا قلبك شاريه

obeikan.com

سلامتك

سلامة قلبك المليان غنا وموأويل
من الوحده وإنه يكون حزين وعليل
وضمة حضنك الدافي في برد الليل
من غربة طريق ضلمه بعيد وطويل
سلامة نبضك المرسوم كلحن أصيل
من نغمه انين تنبض به رتم ثقيل
يموت جوه منه الغنوه والترتيل
سلامتك من وجع مجروح وآهة ويل
بتجرح قلبي لمحتها عليك بتميل
سلامتك من دموع مخنوقه لما تسيل
تحوشها قوام وبتخبئها بالمنديل
وتكتم صرخة مزروعة في حنايا القلب
على شفايفك بتطرح ألف بسمة كذب
وتبص في وشوش الناس وكلك حب
وحنانك بيفرض نفسه بيك بالغصب
مش عايز بيان ضعفك وتشكى الكرب
فتسكت والألم جواك يقول يارب
بس اللي انت مش قادر حبيبي تفهمه اني

بشوف فد عيونك الصافيه اللي بتداريه منى
وأحس بكل انفاسك ولو حتى بعيد عنى
ولو ساكت باكون فاهمك وعارفه إنك بتفهمنى
وقلبي معاك لفين ما تروح وراح تلاقيه مستنى
يطمن قلبك اللي زمان بد حبه ياما طمنى
وعمرك ما تكون وحدك وأنا جنبك يا ساكنى
ولا بتغيب ، ولا جواك تتوه لحظه ده حبي دليل
يعيدك ليا من تاني ول الفرحة يكون له سبيل
فلو تسمح كفايه تدارى أحزانك بكل الكذب والتمثيل
وسيبنى امحى الهموم منك وأهديك السعادة بديل
واضمك بالضلوع واحميك من الأيام وعنك أشيل
أمهدلك طريق روحك وقلبي وروحي ليك قناديل
ولو اضحى حياتك فداك تكون ملكك وبرضه قليل
سلامتك يا سلام القلب وأمانه اللي ما له مثيل
تسلملى ويسلم قلبك الغالى سعيد وجميل
ويملا الدنيا حواليا كما العاده غنا وموأويل

إحلمى

غمضى عيونك ونامي إحلمي بدنيا الهوى
إرمى كل الجرح وانسى بكره ح تلاقى الدوا
والدوا مش بس عاشق من جديد يدخل حياتك
أما الحل الحقيقى ح تلاقيه من جوه ذاتك
لما تاخدي قرار بجد تعوضى كل اللي فاتك
تبدأى المشوار بخطوه بيها تكبر أمنياتك
ب إيديكى تتحول حقيقه تكبريها بطموحاتك
وكل يوم بتاخذى خطوه تزيد معاها انجازاتك
المهم إنك تكونى واثقه من نفسك سيببها
واما تبقى عايزه توصل لازم انت تصدقها
تكملى باقى الطريق ول النهايه توصلها
تدورى على كل حاجه تفرحك وتسعديها
واعرفى إن الدنيا أكبر م الغرام لو تفهميها
وان قلبك إتخلق علشان يحبها بالي فيها
مش بس واحد لما يمشى يموت خلاص وتكرهها
الحب شئ جميل أكيد لكنه مش آخر ما بيها
الحب جزء من الحياة معاه ومن غيره تعيشها
حددى حلمك وقومى جربى إزاي تملكه

إرسمى لنفسك طريق وخيط بدايته إمسكيه
وبكره ح يشد اللي بعده لحد يوم ما تكمليه
بعزمك إنتي تكوني سندرک والمستقبل إكتبيه
من حروف أملك .. إرادتك .. صممي وحققه
الحياة لو تهملها تكسرك تنسى وجودك
انما اما تعافري فيها ترفعك وتشد عودك
فكّري كويس وشوفي فين من الأحلام حدودك
إكسريها وعدّي أبعد من مداها ومن قيودك
إمسحى دموع انهزامك وابعديها عن حدودك
وازرعى الفرحة بملامحك تطرح الضحكه ووردك
إوعدي روحك تعيشى والماضى خلاص انطوى
إطلقى قلبك يرفرف كإن عمره ما انكوى
واحكمي بعقلك حياتك يوزنوها مادام سوا
المهم تكونى أقوى من الهموم ومن الجوى
توصلى بالعقل هدفك والطريق اللي اغتوى
وبالنصيب يتلاقى قلبك ويندى غرامه ارتوى
تتعدل كفة سنينك وميزان عمرك يستوى
ويبقى شكل الدنيا أحلى لما يحلى المحتوى

ح ييجى اليوم

ح ييجى اليوم ما تقلقشى
ده وضع مسيره مايدومشى
ومهما يكون أملها سراب
ولو مقفول عليه ١٠٠ باب
ح تصحى الأرض ماتنامشى
وترجع تاني لسه شباب
ما أولادها ح يحموها
ومش ممكن ح ينسوها
لا بمنصب ولا شعارات
ولا مرة يبيعوها
أمل واحد ح يبقى ألوف
ويرجع تاني صوتها يرن
م الفرحة وتنسى الخوف
فسيبها ع الله واعقلها
وقول يارب عدلها
ده بينا رؤوف
تلقى الحاله تتعدل

ولو نبداً من الأول
وبكره تشوف
مادام الفكره جوانا
مهما الوقت بـ يطوّل
ح نوصل لـ اللي عايزينه
والأحلام دي تتحول
وتبقى حقيقه موجوده
كشمس الصبح لها عوده
وعشانها بينا مسنوده
راح تبقى وما تغيبشي

قلب الكون

كان كل الكون
وكون الكون ماهوش وسعه
فساب الكون وراح ماضى
وقال الحب بقى ماضى
مادام قلبي خلاص فاضى
هاعيش عادى
لحد اليوم ما ييجى عليه
ويلقى الفرصه موجوده
ساعتها ح اكون اكيد وياه
واعيش العمر وحلاوته
وفرحى مايساعوش الكون
لكن برضه معاه راح اكون
سعيد راضى

obeikan.com

كلام

قالوا الكلام حكايات لا بتقدم ولا تأخر
ومرور الزمن بيضيع مع الأيام ويتبخر
عشان كده قلبي متعود لا يشغل باله ويفكر
وبيسيب الكلام يتقال فلا بيسمع ولا يكرر
ومش بيهمه لو عنه يحكوا في الخيال حكايات
لا بياثر فيه الموضوع ولا يفرق معاه حوارات
ولا يضيع عليه وقته وبعد شويه بيكون مات
إيه الفايده لو يزعل ويعمل كل يوم خلافات
يخلى ليه أهميه وكان أصله يادوب تفاهات
ف أحسن حاجه تتجاهله وتقابله بثقه وثبات
دي ناس فاضيه بتملا فراغها بالإشاعات
ولو صادقين يواجهوا يقولوا إيه الإثبات
خلى اللي يحب يقول ويتسلى ويتكلم
واتفرج عليهم بس من أفعالهم إتعلم
تفرّق مين معاك فعلا وعلشانك بيتأم
ومين مستنى فرصه وبيها عليك يتقدم
باستغرب كثير ع الناس ليه بتخون وبتظلم
ومش فارقه بسببهم مين حياته تضيع وتتهدّم

ده لو كان الكلام عنهم ف لحظه الوضع يتغير
يقيموا الدنيا ويخافوا صورتهم مرة تتكسر
وناسيين إن مهما يكونوا ف ربك أكيد أكبر
ما الزمن دوار بطبعه ومحدث عليه يقدر
ولا يفضل على حاله ولا بيثبت على منظر
وزى ما قالوا عن غيرهم عليهم الحال ح يتدور
ف انسى أى كلمه عليك وبيها إوعى تتأثر
كلامهم نقص ب يعيهم ويزيدك ثقه أكثر

ضحكة مدبوح

بـ يقولوا عايشه الحب ودايبه حنين
وبخبى هوايا وبيه مش عايزه أبوح
فاكريني بـ اغنى وهو بكا وانين
ومحدث عارف إن اللي مليونى جروح
ومشاعر ضايعة ف رحلة عمر حزين
والموت أسر أحلامى وخانق الروح
والدمعه تبات محبوسه بطرف العين
والجرح محأوط القلب منين ما يروح
أيام بـ تمر تجر شهور وسنين
وأنا عايشه وبحلم مرة الفرح يلوح
ول حد ما يبجى أنا وقلبي صابرين
وبضم الدنيا بحضن كبير مفتوح
واستنى عليها ونفضل كده ساكتين
وأدارى آلامى بضحكه وأنا المدبوح

obeikan.com

شخبطه

عصفوره وهوا وسمكه
أحلام طفوله وجنان كبار
لو اتمنيت أحققها
يبقى كده أنا عقلى طار
كلام كتير والمعنى أكبر
وقلبي معاهم بقى محتار
أصل التلاته بحبهم
ومش عارفه بينهم اختار
محتاجه حد يكون معايا
ساعتها يمكن آخذ قرار
ولو أخذته تفتكروا ممكن
يحصل بجد ومش هزار
مش قلت شكله جنان خلاص
ح اسكت وأستنى النهار
وما تسألوش قصد الكلام
لأنه سر م الأسرار

obeikan.com

ما تتحدنيش

ما تتحدنيش ..

ما تقدرش تبعد ولا تحنليش
تعاند ، تكابر ، ده ما يهمنيش
في قلبي وحببي وعندي مفيش
ف إقسي وانسي وما تحبنيش
وإحلف لغيري كتير راح تعيش
غيرتي مُحاله بناس ما تسأويش
منهم ألوف بس زي ما تلاقيش
ب تبعد وتهرب ولا تنسانيش
وخايفه عليك الزمان ما بيدأويش
ف عشان خاطرِك انت ما تتحدانيش

obeikan.com

كذبة

افتكرت رقتك حنان وطيبه لكن طلعت كدبه
وكلامك وحزن قلبك ودموعك كله لعبه
صدقت إنك مجروح ومحتاج تلاقى المحبه
دموعك جرحت عينيا وقلبك وقفت جنبه
خفت ف حزنك تضيع وتتوه ب ليل وغربه
حأولت اخفف عذابك واكونك دليل وصحبه
واهزم دممعك وأملك لـ يكون لفرحتك عقبه
لكن خساره ده دور وفهمت متأخر سببه
انه تمثيل على قلب نفسك تفوز ب حبه
وبتحلم تكون معاه وتسكن يوم في قلبه
لكنه كان مشغول ب قلب تاني طلبه
عاهده يفضل وياه ويكون رفيقه ف دربه
وده حكم القدر والزمان علينا كاتبه
اللعبه يوم تنتهي لو مهما بعده أو قربه
واهي لعبتك هزمتك وقلبك نصيبه غلبه
وإيه ح يفيد دلوقتي لو ألومه واللا اعاتبه
عيب قلبي انه وثق فيك والطيبه هي ذنبه
عرفت إنك غلطه والصدق عمله صعبه
وحبك وهم وسراب وانت مجرد كدبه

obeikan.com

قلب حزين

في عمق عينيه الحزينة رأيت حنان الدنيا وطيبة قلوبها
تلوح فيها دمة وتختفي كأنها شمس بلحظات غروبها
لتملاً القلب الرقيق هموما ويكاد ألم روحه أن يذيتها
وترتعش نبرات صوته الصافيه ف تختنق الكلمات بها
ورجفة يديه الحنونه حائره من غدر الأيام وظلم دروبها
يا صاحب القلب البرئ لا تحزن وتغرق أيامك بدمعاتها
فإن الدموع تزيد أحزانك وترهق القلوب حتى تميتها
وأنا أخاف عليه من الدنيا وكثرة الأوجاع وآهاتها
والحياة إن استسلمت لها تهزمك وإذا قاومت هزمتها
كن قويا وافتح الأبواب للدنيا بأحلى ما فيها وحتى مرها
ف المر أحيانا يزيد حلاوتها ل نرى بعد الظلام نورها
ودع الروح تحلم وثق انها ستحقق الأحلام بإصرارها
وإن فقدت حلما حتما سيجئ آخر ف هي أكثر من أن تعدها
إبحث في العالم عنمن تصون حبك وتفي لقلبك بوعودها
تمنحك حبا صادقا وتنسيك الجروح ب حنانها ووودها
فتعيش من جديد حياة السعاده ويكون الأمان فقط عندها
وكان ميلادك يوم أحببتها وبدأ عمر قلبك حين أرادها

obeikan.com

حلم مسجون

م الحبر ظل الحلم قدامي واتجسد
كأنه كان موجود حقيقي ويحصل
وقلبي ما يملكش بس غير يقعد
ويشوفه بخياله يمكن ف يوم يكمل

مسجون كما قلبي ومحبوس بالضلوع
ما بين حيطان لأه وسور بعيد عالي
مربوطة جناحاته وم الخروج ممنوع
متكثفه إيده وصار حاله من حالي

يا حلم إمتى تكون ونكسر القضبان
أهرب معاك واملك حياتي من تاني
تصبح ك نور الشمس لعيوني لما تبان
واقدر أكون حره ولا حاجة منعاني

سجاني ما بيرحم قافل ببيان عمري
وروحي مخنوقة ومفيش مكان للذي
أيامي تتسرسب والعمر أهو بييجري
وأملي متعلق في بكره واللي جي

أحلامي يقتلها واحده ورا الثانية
وحلم واحد بس فاضل وبيعانده
يمكن يطول بكره وأعيشه لوثانية
بس ابقى حقيقته إن شالله اموت بعده

فيارب أملي فيك الحلم يتحقق
وبحسن ظنى بيك اكيد اكون ملكاه
الحلم يبقى يوم حقيقة تتصدق
واحس مرة أني عايشة بجد حياة

إبعد (مربعات)

إبعد كمان قوی
مابقاش يفرق بعادك
مادام قلبك قوی
كَمَل و زید فی عنادك

من عندك جبت آخري
وتعبت من المكابره
إنت اللي اخترت هجري
وأنا كنت بـ حبي صابره

خليك بقى لاختيارك
في الكبر وفي العناد
تقيد في القلب نارك
تعرف معنى السهاد

وبلاش من تاني ترجع
تقولي حبيبي سامحي
سامحي إزاي ح ينفع
وانت بتزيد ف جرحي

جراحي تمنها غالي
بتخلي القلب يقسى
تعبت معاك ليالي
مش سهل عليا انسى

انساني وروح لحالك
أنا من جوايا شيلتك
إياك يخطر ببالك
تاني اني أكون حبيبتك

مربعات

القمر

طل القمر تاني
عني مسح الهموم
ده غيابه خلاني
أسهر اعد النجوم

فرحني لما رجع
وكإني شفت الربيع
بلاش تسيبني لوجع
ده من غيرك أضيع

عائشين

مش كل العائشين عائشين
ولا كل الدمعات أحزان
ممکن لحظه تعيش لـ سنين
وعمر يعدي كأنه ما كان

وتر حزين

لو كان وترك حزين
غير لحنك وجرب
انسى الآه والأنين
ح تلاقي الفرحة قرب

أرفض عزاهم

أرفض عزاهم طول ما لسه في العمر باقي
وعيش وكمل لو حتى قالوا مفيش أمل
حلّمك في قلبك لوتدور عليه تلاقي
وابني حياتك بالإراداه وبالعمل

عادي

كله عادي ومش جديد
مش هتفرق مش مهم
إن قلبي يعيش وحيد
وحُزْنُه حُضْنُه ليه يضم

بحبك

بحبك بكل ما فيك
بحبك زي ما تكون
قلبي اللي دايب فيك
عنده انت كل الكون

بعيد عنك

بعيد عنك بـ أكون جنبك
ماهوفد الحب يا حبيبي مفيش مسافات
وقلبي يعيش على حبك
ويبدأ يومه على صورتك وبيها ييات

يفيد بآيه

يفيد بآيه الكلام
لو البعاد مكتوب
غير الوجع والآلام
وعذاب يملا القلوب

قصيده فاضيه

قصيدة فاضية بدون حروف
مفيهاش مشاعر ولا أحلام
قتلت حروفي سنين الخوف
ف خنق القصيدة ومات الكلام

رباعیات

حيرة الحب

ياريت الحب كان بالإيد لكن قدر وعلى الجبين مكتوب
ولا نقدر ع الهروب منه وفين ح نلاقي منه هروب
سكوته أحلى كلام واحترنا من زمان ويّاه
فرحه ودموع ، والقلب بينهم يا عيني عليه مغلوب

قلبي

عيني عليك يا قلبي بهدلتك معايا كثير
ليالي حيرتك طوّلت وتعبت م المشأوير
الدمع غالبك والألم مكتوب عليك
أول ما تبدأ تبتسم تلاقي الحزن بالقناطير

غربة

طالت يا دنيا غربتي ولإمتى هاعيش سواح
أجلت ياما فرحتي وعمري فيها راح
قالت لي ما انت اللي بعدت وهربت مني زمان
وبإيدك انت قفلت الباب بالضبه والمفتاح

العشرة والمصلحة

صاحبي وحببي وعشرتي في رحله العمر الجميل
طلعت ليه ندل وجبان وناكر للجميل
تبيعني حتى من غير تمن وتقولي دي المصلحة
ما هي في زمانا خلاص هي الصحاب والدليل

الشمس

الشمس تطلع كل يوم ومعها ألف حياة
اسألها إيه جبتي معاي وليا أنا شايله
تقولي إيه يفرق معاك لو كان ألم أوفرح
ما انت اللي تختار سكتك والي بتتمناه

بعدهالك يا دنيا

وبعدهالك يا دنيا إمتي ح ترضي عني وتضحكي
لحد إمتي تبقي قاسية وجارحة واصرخ ما تسمعي
ولو قابلت في مرة فرحه ب الحزن تاني بترجعي
وكإن ممنوع عنى أفرح أو حتى ممكن يوم تسمعي

أغلى حبيب

لو قلت يوم انساك قلبي مايرضاشي
مكتوب عليًا هواك وغيره ما أهواشي
ويكون هوايا لمين غيرك يا أغلى حبيب
ده لو طلبت العمر عليك ما يغلاشي

فرحة رجوع

الشمس رجعت نورت الدنيا من تاني
والورد فُتِح والطيور بتغني ألحاني
سألوني عن فرحتي وليه حالي متغير
قلت برجوع الغالي تنساني أحزاني

مابقاش مهم

مابقاش مهم تعمل إيه تروح أو تيجي مش فارقة
أخذت قراري إنساني ومهما يكون أنا مفارقة
ومش معنى إني ساكته عليك فد أنا مسامحك
لكن أخلاقي تمنعني ولو بينا وجع البُعد والفُرقه

عايشه ليك

مابقتش بـ اكتب أي حاجة غير عليك
مابقاش كلامي غير بحبك ، دايبه فيك
مابقاش في كل الدنيا حاجه تهمني
غير اني احبك وإني أعيش العمر ليك

شتا

من صغري بحب ليالي الشتا وأمطارها وبردها
وعمر غيوم الدنيا ما قدرت على قلبي بـ حزنها
طب ليه دلوقتي البرد قاتلني ومالي القلب غيوم
يمكن علشان الروح مش لاقية الحزن اللي يضمها

كفايه

كفاياك يا قلبي تروح لناس ما بتحبنيش
كفايه تعيش بـ أمل مفيش فيه أمل يعيش
مش كل مين يوم قال بحبك تسمعه
ده كثير كلام يتقال ويطلع في النهايه مفيش

انسى

كل الجراح بـ تروح وأثرها مايبقاش
فـ لو بقيت مجروح ماتقولش مابتنساش
يفيد بـ إيه النوح ودمع الندم والآه
انسى وصفى الروح لـ عمرك يضيع بـ بلاش

ما تخافيش

ما تخافيش يا حبيبتى مني ، كلمه قالها وعادها ليّا
ح آجي واطلب يوم إيديكي صدقيني أنا عندي نيّه
لكن أعمل إيه في قلبي الي خايف م الي جاي
نفسى تقدر تحتويه وتطمنه وتحس بيّا

بيقولي

قال إيه بيقولي بحبك أتاريه كان كله كلام
قربت اتهنى بـ حبه وسمعت عتاب ولام
فـ صبرت وقلت اتحمل يمكن يقدر يتغير
لا اتغير ولا سان حبي وطلع كذب وأوهام

دور البرئ

مبروك عليك دور البرئ والكام قصيدة الذكريات
بـ الدمعتين الكدابين نازلين دليل حزن وآهات
وانت كده الكسبان أكيد فـ مش خسارة الدمعتين
ماهو كان تمنهم مش كثير يادوب كفن قلبي اللي مات

إختار صح

كفايه يا قلبي واختر صح ولو مرة
ليه كل حكاية تبدأها نهايتها تكون مرة
يا إما تفوق وتختار اللي يستاهلك
يا تبعد عن طريق الحب وتسيبني أعيش حرة

توب دموع

ليه كل ما اقول خلاص ح افرح ألاقي الحزن يحأطني
ليه كل ما اشوف أمل بكره يطل اليأس يحبطني
وليه الأيام تزيد جرحي وتغزل م الدموع توي
ده حلمي بسيط يادوب ضحكة ب خيط الفرحة تربطني

مابقتش فارقه

مابقتش فارقه خلاص ولا حد حاسس بيك
اسكت بقى وروح بعيد وداري دمع عينيك
لا قريب يفهم ويعذر ولا حب يشفعلك
ولا حد يضم جرحك غير بس كفوف إيديك

مكتوب

أرواح بـ تتلاقى وكل شئ بأوان
وقلوب تحن لبعض مهما بعد المكان
ما القرب مكتوبهم لوحتى كان صدفة
أصل الوفاق إحساس مش بمسافه وزمان

ندم

حلمت بيك ما أعرفش ليه مع إني عمري ما كنت بـ احلم
كان عقلي دايمًا يقول لـ قلبي إبعد عن الحب وكده اسلم
ولما جيت ووعدتني تحافظ عليا آمنـتلك ومشيت معاك
رجعتني بجرح ودموع وكسرت قلبي بقسوتك خليتني اندم

رعشة موت

قلبي بيرتعش م البرد وحسّاه خلاص بيموت
نفسه في لمسة دفا قبل الأوان ما يفوت
دور كتير ع الوفا كان حلمه يوم يلاقيه
م الغدر داب وانكسر وغرق في بحر سكوت

يارب

غمض عينيك وقول يارب من قلبك
هيسمعك من غير كلام ده بيحبك
ولو في يوم ضاقت عليك دنيتك
فضفض بدمعه ودعوه هتلاقيه جنبك

بكا قاتل

بتبكي على اللي مات عايز تاخذ ب تاره
وانت بإيدك قتلته وسييت ف قلبه نار
مفيش قاتل بيبيكي ويحزن ع اللي قتله
من بعد ما كان مآمنه فاكره وطنه وداره

حلم الصبايا

وحلمت ببيك حلم الصبايا المغرمين
إنك بـ تقرا فتحتي وتقول آمين
ونسيت في قربك كل لحظات البعاد
وبعيش معاك يا دنيتي أجمل سنين

مكسور

مكسور يا قلبي والي وجعك ساكنيك
مظلوم في حبك ياما باعوا وغدروا ببيك
لا ف يوم لقيت اللي يدأوي دمعتك
ولا حد مرة حس بالألم اللي فيك

مصر

بحبك يا مصر يا أم ووطن
يا راضيه قلوبنا عشانك تئن
ولا يوم عليكي بيصعب عذابنا
ولا ف مرة قلبك علينا يحن

بلاش ترجع

بلاش ترجع تصحي الماضي وتعيد اللي فات
وتاني تحكي في ظروفك وتسرح بحكايات
خلاص حبك نسيتته زي ما نسيتك أكيد
ومش ح يفيد كلامك على الحب اللي مات

عصيان

دايما مخنوق تعبان حاسس بالمولت بيقرب
مش عارف إيه اللي جراك وليه لحالك مستغرب
تعصى الخالق وناسيه وبتسأل نفسك مالك
لو تبعد عنه تتوه وتضيع في حياتك تتعب

عايشين ع البر

بنسكت ليه ومش عايزين نبوح بالسر
ونخفق فينا إحساسنا ويزيد المر
ونفضل نستخبي من الحياة والناس
نراقب بحر أيامنا وعايشين ع البر

قلب مجروح

حد عايز قلب مجروح م الحياة
نفسه يمحي من حياته أي آه
لويقابل قلب يدأويه ويحتويه
يبقى ملكه والعمر يعيش فداه

قد سنين العمر

ولإني بحبك قد سنين العمر ده واكثر
ح افضل مع قلبك لحظه بلحظه لحد ما تكبر
وتكون أيامي معاك حب وأحلام
واهديلك روعي وقلبي لو كنت أقدر

سر

سيظل حبك سري وبداخلي يسكن
أخفيه حتى عن نفسي وبالروح يكمن
وإن استحال اليوم لقاءنا لن أبالي
فما غير عشقك انت يا دنياي ممكن

قلب الدنيا

قلب الدنيا حجر بيدوس على العاشقين
ودموعنا في قلوبنا على حبنا مخنوقين
كان نفسى جوه قلبك ابدأ مشوار حياة
لكن حكم القدر تكون السكك متفرقين

عربي

بحلم نعيش أحرار في وطن ماله النور
واقفين فـ وش الكون بروح وقلب جسور
نهزم سنين الجهل ونقول بعلو الصوت
أنا عربي عالي الجبين ومش ح أكون مكسور

أمي

أمي يا أغلى ضحكة بتملئ الدنيا نور
قلبك وردة ربيع ، ملكة بين الزهور
يارب خليها لي وحياتها بارك فيها
زي ما خلت حياتي فرح وهنا وسرور

خذلان

أتمنت رد قلبه يكون بـ احبها
واستغنى بيها هي عن الدنيا كلها
لكن ضعفه خذلها وكانت في الحقيقة
مش فارقه عنه تبعد أو يجرح قلبها

خلص الكلام

وصلنا لـ النهاية خلاص خالص الكلام
مفيش جوايا حتى عتاب ولا ملام
ولا عندي سبب محدد لغياي يبرره
ده آخر الحكاية ح امشي وأقول سلام

المحتويات

٥	عركة أحاسيس
٧	صغيرين
٩	قصتي وياك
١٣	رحيل
١٥	الحلم القديم
١٧	لعبت بيا
١٩	مغنواتي
٢١	لقاء
٢٣	كم أحبك
٢٥	صدفه
٢٧	وعود
٢٩	لتحمل جدولك وترحل
٣١	مش بحبك
٣٣	حضنك
٣٥	سيبوني أرتاح
٣٧	أهون عليك
٣٩	خيانة الصديق
٤١	أسفه حبيتك

٤٥	إبن قلبى
٤٧	هديه
٤٩	قصة المظلوم
٥١	عيش فى الدور
٥٣	عشان خاطرک
٥٥	مهما زعلت منك
٥٧	عارف
٥٩	تيجوا نحب
٦١	ستر (سباعيه)
٦٣	مش جديد
٦٥	سلامتك
٦٧	إحلمى
٦٩	ح ييجى اليوم .
٧١	قلب الكون ...
٧٣	كلام
٧٥	ضحكة مدبوح .
٧٧	شخبطه
٧٩	ماتتحديث ..
٨١	كديه .
٨٣	قلب حزين ...
٨٥	حلم مسجون .
٨٧	إبعد (مربعات)

..... مربعات

٩٠	القمر (مربعات)
٩١	عايشين (مربع)

- ٩١ وتر حزين (مربع)
 ٩٢ ارفض عزاهم (مربع)
 ٩٢ عادى (مربع) .
 ٩٣ بحبك (مربع)
 ٩٣ بعيد عنك (مربع)
 ٩٤ يفيد بآيه (مربع)
 ٩٤ قصيده فاضيه (مربع)

..... رباعيات

- ٩٦ حيرة الحب (رباعيه) .
 ٩٦ قلبى (رباعيه)
 ٩٧ غربه (رباعيه) .
 ٩٧ العشره والمصلحه (رباعيه)
 ٩٨ الشمس (رباعيه)
 ٩٨ بعدهاك يا دنيا (رباعيه) .
 ٩٩ أعلى حبيب (رباعيه)
 ٩٩ فرحة رجوع (رباعيه) .
 ١٠٠ مابقاش مهم (رباعيه)
 ١٠٠ عايشه لىك (رباعيه)
 ١٠١ شتا (رباعيه) .
 ١٠١ كفايه (رباعيه) .
 ١٠٢ إنسى (رباعيه) .
 ١٠٢ ماتخافيش (رباعيه)
- ١٠٣ بيقولى (رباعيه) ..
 ١٠٣ دور البرئ (رباعيه) .
 ١٠٤ إختار صح (رباعيه)

- ١٠٤ توب دموع (رباعيه)
- ١٠٥ مابقتش فارقه (رباعيه) ...
- ١٠٥ مكتوب (رباعيه) ...
- ١٠٦ ندم (رباعيه)
- ١٠٦ رعشة موت (رباعيه)
- ١٠٧ يارب (رباعيه)
- ١٠٧ بكا قاتل (رباعيه) ...
- ١٠٨ حلم الصبايا (رباعيه)
- ١٠٨ مكسور (رباعيه)
- ١٠٩ مصر (رباعيه) .
- ١٠٩ بلاش ترجع (رباعيه)
- ١١٠ عصيان (رباعيه)
- ١١٠ عايشين ع البر (رباعيه)
- ١١١ قلب مجروح (رباعيه)
- ١١١ قد سنين العمر (رباعيه) ..
- ١١٢ سر (رباعيه)
- ١١٢ قلب الدنيا (رباعيه) .
- ١١٣ عربي (رباعيه) .
- ١١٣ أمى (رباعيه)
- ١١٤ خذلان (رباعيه)
- ١١٤ خلص الكلام (رباعيه)

تم